

ASOMA atrobe: Bandanan di afo atrobe, permisonan pa loco atrobe

Ultimo dianan ASOMA y su president Elgin Juddan, y tambe ex president Joy Kock ta haya nan number ta skeiro na radio, y Sr. Juddan ta haya su mes defendiendo su posicion, relaciona cu e problema di bandanan di afo cu ta bin actua na Aruba perhudicando nos bandanan local.

E asunto aki, mi tabata na altura di dje algun luna caba, pero a keda keto sperando e desaroyo cu tabata tumando lugar di reunionnan di ASOMA cu SAC relaciona cu Carnaval, y e buscamiento di parti di ASOMA di datonan concreto riba bandanan y artistanan di afo cu aparentemente lo ta na Aruba e simannan nos dilanti.

Diasabra ultimo na entiero mi a conversa cu varios musico riba e preocupacion cu nan tin, pero a bisa pa mihor warda un pa dos siman mas, pasobra mi ta na altura di cierto desaroyonan den ASOMA pa trata na yega na e nucleo di e problema.

Sin datonan concreto y sin prueba, nan no por a move tampoco.

Awor cu a bini cla, y cu ta conoci di e problema di dunamento di permiso pa loco cu a tuma lugar, siendo cu e ministro di justicia mes no tabata presente, e asunto a bin den publicidad, pero ta algo cu pa hopi siman caba ASOMA tabata traha ariba te asina leeuw cu mi informacionnan di ultimo lunanan ta dunami.

Dia 11 di november, Elfde van de Elfde, tanto SAC como ASOMA a muestra cu no tin problemanan pa e actividadnan di Carraval... Mi sa cu ainda nan no ta 100 % cla, pero tur asunto cu ta e asuntunan problematico di custumber ta tras di lomba, y indicacion ta cu lo no tin problema di concursionan di calypso y roadmarch y di tumba.

Pa informacion di tur hende, Calypso/Roadmarch ta 4 anochi pasobra e cantidad di participacion spera y registra caba ta yegando alrededor di 100, pesey 4 anochi.

Lo ta presente tambe artistanan Arubiano cu ta den exterior cu ta bini Aruba pa participa, special pa e anochinan aki.

Na radio ayera mi a tende un hende habri riba Joy Kock, consehero di minister Beke, y cu ta den departamento di cultura y ta ex president di ASOMA.

Den e asunto di bandanan di afo cu ta topico e dianan aki, e no tin nada di haci, ni ministerio di cultura no ta envolvi, pasobra ta trata di asunto cu ta cay bao di ministerio di justicia y cu no ta yega na ministro di cultura te ora cu e baca hoga.

E lo por ta na altura di e problema sigur, y si ta asina mes, e lo no por actua sin cu tin e pruebanan concreto.

E problema ta sinta den e cantidad di permisonan cu ta ser duna siendo cu tin palabracion di algun aña caba entre e ministerio y ASOMA encuanto bandanan di afo y cu no a cumpli cu e palabracionnan.

Aki siquiera ASOMA a siña e biaha aki pa awor en adelante pone tur cos preto riba blanco y no bay tras di palabracionnan durante reunionnan.

Un otro problema ta cu tin hopi promotor/empresario, y ora di e "actividad" ta hopi "responsabel" ta sali, cu despues ta resulta cu nan no ta "responsable" pasobra ta otro(nan) ta e "responsablenan".

Si tin perdida ningun hende sa kende ta "responsable" y ora cu tin ganashi na grandi, ningun hende sa kende ta esun "responsable" cu a gana pasobra e cos ta wordo planea yen di birada manera un "rotonde yen di birada den dje y na cada skina di e rotonde arubiano".

E custumber ta cu nos ta Asoma solamente den e periodo aki y den periodo di Carnaval, y nos ta tende di SAC solamente ora Carnaval ta acercando.

Locual no ta sali, ta cu ultimo dos aña SAC ta traha duro riba mehoracion di nan imagen y traha riba nan actividadnan, y Asoma tambe durante aña tin nan trabaoonan ta haci. Ta ora cu tin un problema y cu esaki sali den publicidad, nos ta tende: "atrobe SAC y ASOMA".

Mi ta sigur cu aki un siman, lo tin sigur solucion riba e problema actual di bandanan y e ora ey lo tende sigur sea di e ministerio of di president di ASOMA cu a yega na cierto arreglo. Duna nan un siman mas pa traha riba e problematico aki, e ta wordo solucion na nos bandanan.

Kico lo ta di bandanan di afo durante carnaval?

Esaki lo bin sigur... Lo tin banda di afo den nos carnaval, y ta cos cu ta conoci cerca bandanan musical for di comienzo di e aña aki despues di carnaval 44. Si bin un of dos mes di Islanan Ariba, ta pa yena un of otro vacio cu lo tin, y mi ta sigur cu e organizacion envolvi y ASOMA lo a pone bandanan local na altura di esaki caba, pasobra ta un secreto publico cu e banda(nan) lo ta na Aruba.



Pues, ban spera cu bandanan local lo no keha den temporada di carnaval, pasobra nan ta adverti caba. Ta nos gruponan di Carnaval mester duna honor na nos musiconan local y nos bandanan y contrata nan pa toca pa e grupo. Si bandanan localmester keda afo, ta e gruponan di carnaval ta esnan cu ta laga nan afo, y no por tuma nan na malo tampoco pasobra nan ta liber pa contrata e banda cu nan kier. ASOMA y SAC por conseha y ta te eynan nan por yega tambe mientras cu no tin stipulacionnan riba e asunto aki.

Juby

Mario's Sportshop Bo cas di Deporte




Just Do It.



Yes, the only way is
Mario's Sportshop Way.

40% Off - 40% Off

All Nike Shoe
Last Chance!!



**THE NEW FITNESS, TENNIS, RUNNING, SOCCER,
COLLECTION. HAVE ARRIVE, CHECK THEM OUT....**

